

عشان بسكت...!!!

عشان بسكت على حقى
راحوا افتكروا إنى مالى حق
واعبى ف نفسى واخبى
لحد خلاص ما كنت هطق
وجالى الضعط والسكر
ولا بنطق ولا أقول لأ
عشان حساس ومش أكثر
أسير الخير وقلبى أرق
وعمرى ما كنت بتكبر
وبتواضع لكل الخلق
واطمن نفسى واتصبر
وأقول جانا النهار شقشق
وأنا علشان ما ازعلكم
على راسى ونازلىن دق
ويرسى زعلى على الفاضى

وكله كلام خارج م الحلق
وأنا الجانى وأنا القاضى
وأنا ليا وعليا الحق
ليه المجنى عليه جانى
وليه الظلم صار مبدأ
على الهامش وانا راضى
وف الدنيا دى ماشيين زق
وبسعى يا ناس على اللقمة
وربى اللى وهبنى الرزق
ومحسود ليه مش عارف
وليه يا خلق نازلين نق
ومن همى مانيش شايف
دا أنا قلبى خلاص انشق

على نفسى أنا باجى
عشان ما اكسرش خاطر حد
أنا معرفش ليه ساكت
لازم انطق وما فى بُد

أكيد لازم اخذ موقف
ما هي الدنيا دي صد ورد
أنا مش فاهم اللعبة
أنا واخدها جد ف جد
وحتما فيه هنا وقفه
و ابنيلكوا الجسور تنهد
وأنا قدمت مليون سبت
ولا لقيته مره الحد
وياما مسحت دمعكم
وبدلت الدموع بالورد
وياما قابلت قسوتكم
وبدلت الجفا بالود
ماطالني منكوا غير قسوه
وشكوى وقلب يتنهد
أنا ليه دايمأ أشحتكم
وبسألكم وفين الرد؟
وبرضوا لا يمكن أنساكم
وبيكم حزنى يتبدد

ولو مات الأمل فيكم
جائز ف ولادكوا يتجدد
ولأنك أنت:

عشان حقت على كمان
أدوس على نفسى واكسرها
عشان خوفى تنام زعلان
كل حقوقى بخسرها
عشان خاطرك عليا ما هان
آلامى عمرى ما حصرها
مسير الحق يوم هـ بيان
ورب الكون ييسرها

مارس ٢٠١٥